

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

po zahtjevu privrednih subjekta Autoservis a.d. Šamac i Master-Komerc a.d. Šamac

Sarajevo, juni 2011. godine



Broj: 01-26-7-07-3-I/11
Sarajevo, 08.06.2011. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po zahtjevu privrednih subjekata Društvo za proizvodnju, promet roba i usluga Autoservis a.d. Šamac, Put Srpskih dobrovoljaca 8, Šamac, i Društvo za proizvodnju, promet roba i usluga Master-Komerc a.d. Šamac, Put Srpskih dobrovoljaca 8, Šamac, zastupani po advokatu Mirku Lukiću, Tržni centar Park II/3, 76230 Šamac, zaprimljenog od strane Konkurencijskog vijeća dana 24.05.2011. godine pod brojem: 01-26-7-07-I/11, Konkurencijsko vijeće, na 15. (petnaestoj) sjednici održanoj dana 08.06.2011. godine, je donijelo

MIŠLJENJE

Privredni subjekti Društvo za proizvodnju, promet roba i usluga Autoservis a.d. Šamac, Put Srpskih dobrovoljaca 8, Šamac, i Društvo za proizvodnju, promet roba i usluga Master-Komerc a.d. Šamac, Put Srpskih dobrovoljaca 8, Šamac, zastupani po advokatu Mirku Lukiću, Tržni centar Park II/3, 76230 Šamac (u daljem tekstu: Podnosioci zahtjeva), podnijeli su Konkurencijskom vijeću Zahtjev za davanje mišljenja (u daljem tekstu: Zahtjev), zaprimljen dana 24.05.2011. godine pod brojem: 01-26-7-07-I/11

Podnosioci zahtjeva dopunili su Zahtjev dana 27.05.2011. godine podneskom broj: 01-26-7-07-2-I/11.

Podnosioci zahtjeva traže mišljenje od Konkurencijskog vijeća vezano za postojanje obaveze podnošenja prijave koncentracije koja nastaje na osnovu Ugovora o spajanju uz pripajanje (u daljem tekstu: Ugovor), čime privredni subjekt Autoservis a.d. Šamac pripaja privredni subjekt Master-Komerc a.d. Šamac koje pripajanjem prestaje da postoji.

Navedeni Ugovor zaključen je dana 12.02.2011. godine u Šamcu, između privrednog subjekta Autoservis a.d. Šamac, kao društva sticaoca, i privrednog subjekta Master-Komerc a.d. Šamac, kao društva koje prestaje pripajanjem.

U svom zahtjevu Podnosioci zahtjeva navode da im je mišljenje Konkurencijskog vijeća potrebno kako bi mogli izvršiti preregistraciju navedenih privrednih subjekata kod Registracionog suda Okružnog Privrednog suda u Doboju.

Prema podacima iz Zahtjeva i dostavljenim dokumentima (bilans stanja i bilans uspjeha), privredni subjekt Autoservis a.d. Šamac po završnom računu za 2010. godinu ostvario je ukupan prihod u iznosu od (...) ¹ KM, dok je ukupan prihod privrednog subjekta Master-Komerc a.d. Šamac u 2010. godini iznosio (...) KM.

¹ (...) * podaci predstavljaju poslovnu tajnu

Članom 14. stav (1) Zakona o konkurenciji propisano je da namjeravanu koncentraciju privrednih subjekta, iz člana 12. stav (1) istog Zakona, učesnici koncentracije su obavezni prijaviti, i to kada su ispunjeni sljedeći uslovi:

a) da ukupni godišnji prihod učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji, i

b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koje je prethodila koncentraciji, ili ako je njihov zajednički udio na relevantnom tržištu veći od 40%.

U skladu sa izloženim, Konkurencijsko vijeće smatra da u predmetnom slučaju nisu ispunjeni uslovi za obavezu prijave koncentracije, koji se odnose na ukupan prihod učesnika koncentracije.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

dr. Stjepo Pranjić